



# COMUNU DE CABUDERRA

Tzitadi Metropolitana de Casteddu

---

## DELIBERATZIONI DE SA GIUNTA COMUNALI N. 37 DE SU 01/03/2023

OGETU: CUNTZESSIONI DEMANIALI MARÌTIMA A SERVÌZIU DE SA CORSIA PO ATIVIDADI DE KITESURF. DIRETIVAS A IS UFÌTZIUS.

S' annu 2023, su 01 de su mesi de Martzu a ora de is 12.45, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

### ***Nòmmini e Sangunau***

Beniamino Garau  
Dessì Donatella  
Frongia Pietro  
Montis Giovanni  
Sorgia Silvia  
Solinas Marco  
Garone Katiuscia

### ***Càrriga***

Sìndigu  
Assessori  
Assessori  
Assessori  
Assessori  
Assessori  
Assessori

### ***Presenti***

Eja  
Eja  
Eja  
No  
Eja  
Eja  
Eja

**Presentis: 6**

**Ausentis: 1**

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

---

## SA GIUNTA COMUNALI

**Postu chi** in sa stasoni 2022 s' est definida sa protzedura chi pertocat sa cunfirma de sa cuntzessioni demaniali maritima de parti de s' Autoridadi de Sistema Portuali de su Mari de Sardigna, destinada a s' atividadi de kitesurf, me in "Maddalena Spiaggia";

**Cunsiderau chi** s' Autoridadi Portuali cun annotadura de su 11-08-2022 at fatu connosci su protzedimentu po annoai sa cuntzessioni demaniali po s' annu 2023;

**Bida** sa Lei Regionali n.9 de su 12/06/2006;

**Cunsiderada** finas sa Deliberatzioni R.A.S. 53/66 de su 04/12/2009 e po su prus su documentu in acàpiu cun s' Art.3, chi at stabiliu is funtzionis tramudadas a is Comunas;

**Cunsiderau** chi is Artìculus 40 e 41 de sa L.R. 12/06/2006 n.9, ant atribuiu a is Comunas is funtzionis pertocantis s' aprovatzioni de is P.U.L., s' emissioni e sa gestioni de is cuntzessionis, (cun finalidadi turísticas e de arrecru), de benis de su demàniu maritimu e de sa navigatzioni interna cun ogetu is àreas scobertas o areas chi cumportint su fràigu de impiantus chi si potzant trantziri a manera discansosa, aici puru àteras funtzionis amministrativas pertocantis su demàniu maritimu e su mari territoriali, no riservadas a Regionis e Stadu;

**Arremonada** sa deliberatzioni C.C. n.38 de su 14/05/2020 apitzus s' aprovatzioni definitiva de su Pianu de Imperu de is Litoralis chi previdit una corsia de intrada po kitesurf e una cuntzessioni demaniali me in "La Maddalena Spiaggia";

**Cunfirmada** sa presèntzia fitiana de is chi pràticant sa disciplina sportiva de su kitesurf in totu su litorali de custu comunu e duncas serbint is corsias de lànciu e su tretu aterràgiu;

**Bida** sa deliberatzioni de sa Giunta Comunali n.12 de su 10/02/2022 chi at autorizau s' Assòtziu Sportivu Kite Zone ASD, cun sedi in Cabuderra in bia Serpentara n.70, a aprontai su materiali de sa corsia de lànciu e de aterràgiu chi serbint po s' atividadi sportiva de kitesurf in "La Maddalena Spiaggia", lotizatzioni "Picciau";

**Ca** is Assòtzius sportivus chi ant a tenni sa cuntzessioni ant a depi donai unu rembursu a su Comunu de Cabuderra po is gastus pertocantis su cànoni po s' Autoridadi de Sistema Portuali de su Mari de Sardigna;

**Bida** sa rechesta presentada in dii 13/02/2023 prot. n.6633 de s' Assòtziu Sportivu Kite Zone ASD cun sedi in Cabuderra in bia Serpentara n.70 po s' ocupatzioni de sa cuntzessioni demaniali maritima me in "La Maddalena Spiaggia" po s' atividadi sportiva de kitesurf;

**De stabiliri** is cunditziunis afatantis:

- tocat a sinnalari e averiguai s' imperu de sa corsia de intrada po totu su tempus de cuntzessioni;
  - sa pròpiu corsia depit essi a diponimentu pùblicu po calisiat sport de vela o po natantis sena motori;
  - sa vigilàntzia depit essi gestida de personis cualificadas cun brevetu de istrutori federali de sport a vela;
-

-su Comunu de Cabuderra depit tenni unu rembursu po su gastu de cànoni de ocupatzioni de sa cuntzessioni demaniali marìtima.

**Torrada sceda** de donai indiritzu a su Servìtziu Gestioni de su patrimoniu a annoai sa cuntzessioni demaniali marìtima apustis de manifestatzioni de interessu de parti de assòtzius sportivus chi faint atividadi de kitesurf;

**Arriciu** parri a favori de regularidadi tècnica cunforma a s' art.49, c. 1, de su D.Lgs. n.267/2000, de parti de su Responsàbili de su Setori Urbanìstica Ing. Porcedda;

Cun votatzioni a totòmini cunforma a sa lei,

## DELÌBERAT

**De donai** a su Responsàbili de su Servìtziu Gestioni de su Patrimoniu sa diretiva de aprontai is atus po annoai sa cuntzessioni demaniali marìtima in s'oru de mari de "La Maddalena Spiaggia" po sa stasoni 2023 po s'atividadi sportiva de Kitesurf, apustis de manifestatzioni de interessu a is cunditionis chi sighint:

-tocat a sinnalai e averiguai s' imperu de sa corsia de intrada po totu su tempus de cuntzessioni;

-sa pròpiu corsia depit essi a diponimentu pùblicu po calisiat sport de vela o po natantis sena motori;

-sa vigilàntzia depit essi gestida de personis cualificadas cun brevetu de istrutori federali de sport a vela;

-su Comunu de Cabuderra depit tenni unu rembursu po su gastu de cànoni de ocupatzioni de sa cuntzessioni demaniali marìtima.

**De decrarai** chi custu provedimentu at a balli luegus etotu, cunforma a s' artìculu 134, corriedda 4, de su d.Lgs. n. 267/2000.

---